

四庫全書

集部

欽定四庫全書

御製詩四集卷二十四

古今體七十首

甲午八

閱射六韻

閱射門前却自思
髫齡曾此沐

恩慈

憶十二歲時

皇祖御門引見每

我朝

命射於此若連中

慈容則大悅

家法惟弓矢即位躬勤繼

創垂

即位後未嘗廢弓矢自壬午年
臂病始罷步射馬射猶如故也

臂病因之疎步發

身間原未廢馳

大凡習于馬者藉馬力原可挽強命中若怯馬者步射或可勉馬射則不

能故錄旗誇馬步一張弓為能而實可笑也

習勞每以寓觀德右屈還教挺

左支憑覽不能無技養欲為又覺有顏忸

中不如昔故愧而弗為非

好逸

廿連十九當年事

戊辰秋於大西門樓前較射發二十矢中十九曾紀詩四首已

已夏

聖母御樓觀射復十中其九破的者三仍用

韻紀事丁丑秋復于樓下命射屢中後懸的最小者亦

再破的遠哈薩克使臣列觀班末因三疊前韻紀之忽忽二十餘年迴憶曩事不禁為之悵快也迴想猶

疑衆定疑

今日之御前侍衛及乾清門侍衛經見昔年連中者亦不多人夫自思猶疑若烏有況未

親見者能不疑乎

食蔗居

徑幽弗屢至居迴稱閒憑月牖延眸望雲梯拾步登俯
臨極寥廓背峙尚峻增林際飄絲雨言歸亦恰應

小許菴

四面好山一室青不嫌十笏為延停因思何大非由小
即境瞿然歌器銘

題宋人關山行旅圖

青綠關山迴崎嶇道路長客人各結束行李自周詳總

為去聲名和利那辭勞與忙年陳失姓氏北宋近字唐

策馬

策馬出石城閨隄兼閱稼雖日勑幾政山莊究多暇外
庭弗相見非美慙且怕所以間去聲數朝沿攬必命駕誰

知三五宿田功殊又乍此地不種稻黍高而蒼下叶一

律凡綠雲極目鮮隙罅濃露潤苗穗爽風翻穠稔邇來

幸時若晴晝雨或夜亦無異漲落諸事胥妥迺祇渴望

捷音者定武功罷

爽

九夏炎惟普山莊爽所偏風來衫角颯暑向扇傍捐
帖思還古吟詩度小年晴餘將十日畧望雨滋田

軍郵

軍郵今日來報克色溯普羅博瓦捷後兩月餘阻雨雖

定六路攻曾未寸步舉

先是阿桂擬分兵六路由羅博瓦下溝攻取對面突起碉卡擒

佔目則了口並攻喇穆喇穆峯上大碉以番地雨雪久不止我軍未能即進

邇來畧放晴我

軍勇倍賈門戶既已近賊人防益固

叶

山脊築三碉左

右更夾輔進退兩維谷決策在破釜期得而後往將軍

計非鹵分投各銜枚一呼發萬弩

羅博瓦岡下地名色湖普賊於山梁中連

列三碉復於兩旁坡塢各築大碉右一左二與中互為援應時因久不進攻官軍蓄銳勵勇思一展試會連日晴霽先派海蘭察等統兵攻中路額森特烏什哈達等各統兵攻其左右福康安等為後應十二日丑刻月黑後阿桂豐昇額色布騰巴爾珠爾董率各兵分隊銜枚潛往設伏先令普爾普等攻撲喇穆喇穆各碉以分賊人之方其右麓並令成德等作勢牽綴普爾普等直上連槍兩大石卡賊方合力抗拒海蘭察等已直抵第一碉根賊因碉半為礮所摧于下截堆木為禦官兵即就木堆騰躍而上毀其碉牆拋入火彈賊見官兵四面圍攻固守不出乃派索倫兵預伏其旁開圍一面誘之賊果竄入伏中官兵控弦以待射殲過半餘亦負箭而遁其

第二三礮賊雖悉力死拒官兵亦皆躍上礮頂毀門克之殲賊殆盡其左右兩坡之礮並先後攻克殺賊與中路畧同復克其向西山麓之礮翌日又克其向南山麓之礮是役也統計攻獲戰礮十一平礮四十礮五大藥鉛丸鳥鎗刀矛口糧無算殺賊二百餘割首級三十九耳記五殲其大頭人達什側妄即索諾木令在此路領兵者又斃其次頭人巴克多綽窩思達人人自為戰上爾結二名捉得生口六皆訊供以聞

下力各努蹕礮如履平礮石中鼓舞觀之心惻然喜極淚欲墮^叶得戰礮十一平礮四十許殺賊二百餘器械獲

無數殲其大頭人率醜守礮者^叶蓋自用兵來斬獲斯

為巨臨遜克爾宗勒圍近堪觀賞卹所弗惜

^{用兵以來}克礮斬獲

之多無有及此者因勅部錄叙解親佩綬囊賜將軍
恭贊以示寵異其領隊大臣之出色者如海蘭察等六
人賞官用綬囊各一嘉許難形語佇待馳紅旗崇捷耆定武

杜甫詩有已收滴博雲間戍更奪蓬婆雪外城句為
和嚴武軍城早秋作注之者謂滴博蓬婆西山地名
或云滴博西山城名蓬婆吐蕃城名或又於滴博下
注云嶺在維州至何以謂之滴博蓬婆則未詳其義
按武為劍南節度使以廣德二年連破吐蕃詩正作
於此時今維州橋在汶川其外即蕃境諸蕃即吐蕃

種類向聞促浸逆酋有欲佔維州橋之語并聞其地
以此語造為歌曲流傳已久則唐時或曾占維州境
亦未可知故云已收滴博也又今以維州已外為西
路與嚴武所稱西山亦合惟滴博蓬婆以內地字義
解之輒不得其說考番語即唐古特語唐古特謂樓
曰去丁差切烏今地名亦有訛稱兜烏者去烏急讀即
為碉故今以番人所居之樓為碉其實碉於字書為
石室無樓稱之義始全但言碉者猶從番語耳又唐

古特閉頭巴字亦讀作幹視其語所應用者而分之或
當時有粗識番字不解字義之人讀幹為巴丟巴再
轉遂為滴博亦猶元姓却特誤為哥渥溫由粗識蒙
古字形之人妄為離合因至傳訛耳又蓬婆亦唐古
特語朋博之轉朋博者堆昇之謂今之色溯普為賊
番就堆昇築碣之所則溯普當即朋博之訛色蓋色
爾番語所謂金也茲因紀色溯普之捷考訂如右

陣雨

六月廿
九日

油雲一片至天中不雷不電焚絲作時行之候固如斯
却因望久心殷若須臾庭前亦積水瞬息天邊收雨脚
不成分寸地旋乾拈筆憮然徒落莫

七月朔立秋是日雨

一歲已分平九秋節應始五鼓復雨落疎密直達已雖
未至優渥三寸霑亦美所惜雲漸薄過午放晴矣農占

固稱佳

田家以立秋日雨為秋平恐秋後雨少若不雨即為秋優又恐秋雨過多惟既雨復晴為吉今

遺叶

再需心焉企

農占

題元人蓼塘白鵝

秋塘蓼花紫曲項卧沙濱玉翅霜毛潔綠晴黃喙分神

情都曲盡姓字失前聞疑是若水作

元王淵字若水
工花卉翎毛

憶

他家右軍

夜雨

七月初
二日

五更忽聽簷泉流葛衾涼峭清夢適不雷不電甚醞藉
或徐或疾真優游繼膏益潤利稼穡終希渥霈望外酬
軍營况復報捷近自審增懼吾何修

晴

膏澤已優霑即願晴益好夏雨既云稀恐積秋霖浩求
全實太甚所以歡斯少尋思總因民或合為君道朝來
雨綿滯踊懼將行潦無何雲勢散却露曦光噉爽風吹
泠泠緒暑覺渺渺幸哉籌稼穡怡然慰懷抱時若祝此
後庶可成萬寶

題敞晴齋

恰喜秋雲晴已淨遂臨巖館敞而清不因以暇來責實

那識於斯善副名萬里天光惟一碧九霄曦御莫雙晶
宜暘火迫山田熟片晌依遲亦暢情

清綺書屋

徒清斯太蘭過綺亦傷淳試悟相資用堪窺以蔽津偶
來秋始霽小坐淨無塵五字吟安處賢寧四十人

聞京師得雨

塵懷命問說無需

前因熱河旬日未雨草丈似覺乾
恐農田不無待澤因詢留京辦事

王大臣昨據覆奏此時得雨因
佳但秋畦頗潤並非亟盼

既得優霖報衆娛

今日閣
部至王

大臣及京兆俱奏初一夜密雨連旦約五寸許四郊霑雖曰慰遥寧所喜亦知非

亟幸茲濡

熱河連日頻得甘露且俱夜雨朝晴
屆秋禾鮮長之時得此極爲有益

燕南塞

北欣同被早種晚耕庶不孤納稼九秋期尚遠此時那敢懼忌吾

直隸總督周元理奏報得雨詩以誌慰

批詢近況纔發去已得優膏迅報來

昨周元理奏函至
手批問其近日有

無望澤及得雨晴形甫經發去而周元理于未經奉到之前已據奏現在固安防汛處初一自申至酉甘霖大沛又自亥至卯密雨淋漓約共得雨五寸而濃雲遠布霑被必普尋據報良鄉至保定省城均得雨四五寸不

等早稼正當成實之候得此
必更飽滿晚禾亦一律暢發

同我勤民惟稼穡告卿籌

歲莫徘徊早禾結穗增實矣晚禾抽苗滋暢哉永定更

稱流順妥

又稱永定河水並
未長發各工平穩

鎖眉縫處一時開

七夕

此地宛今夕塞雲仍七襄針樓雖未設瓜席却依常巧
乞拙誰乞離長會亦長林標聽鳴鹿天樂下仙琅

觀稼

無逸素所塵深居心每忤傳宣出觀稼聊因散馬蹄豈

知數日間良苗秀已齊簇簇梁穗高翼翼禾稌低颺以
風散之潤以露渥兮秋陽復曠曝實粟率可期然而西
成遙益為去聲懼斯時

澄觀齋

巖齋北門裏出入憩猶應有會莫非靜無觀不與澄瑤
岡披下界

奎畫泐高層往往逢

前蹟孜孜勉後承

翠雲嶽

葉縛枝撐不計層
翹瞻渾似綠雲興
忽逢蒼廡其間臥
借問可殊面壁僧

八伯何曾見此雲
不為紅縵祇氤氲
太沖今日難成句
峭蒨菁蔥兩莫分

將軍阿桂奏報大兵攻克喇穆喇穆山梁及日則
了口詩以誌事

色溷普克固可進喇穆喇穆轉在後山梁上有賊戰碣

直進仍虞彼掣肘我兵相勢分營圍而匪聚徒亦嚴守

惟彼峰尖兩大礮肋岬如削猿難走以故賊不甚隄防

得此斯為踞其首搯吭拊背則無難搥虛抵隙或堪取

分兵路路各進攻

阿桂奏自克色湖普以來賊知我兵注意在彼守禦益密因細加體察刺

穆喇穆一帶山梁各礮其東附近登古了口者醜徒聚

守最嚴其南近薩斯甲尺溝者亦為堅固惟迤西峯巒

突起兩大礮居山絕頂兩旁坡岬如削北面山勢更陡

賊度官兵不能往據若能佔此山巔已斷其後路勢必

俱成瓦解可收摠虛抵隙之功即于廿二日晚令額森

特烏什哈達等分兩路攻色湖普南面山岡賊礮福康

安帶兵接應又令普爾普海祿等進攻刺穆山梁

東邊之礮保寧彰霽等攻其以次賊礮並全成德特成

額六十六等亦於左邊進攻海蘭察官達色泰斐英阿格勒爾德等直取絕頂兩大礮於滿州吉林索倫及綠營屯土各兵內選至勇至健兵六百餘分隊潛上別選精銳登峰巉峭辟直上

千仞高以頂繼踵翼為手須臾遂克兩戰礮賊衆盡殲

無一漏叶其餘各礮雖力拒我圍益堅魚在畱賊知難

拒盡棄遁我兵追戮多僵仆

叶廿三日寅刻額森時等見海蘭察兵已抵賊礮

下督兵趨赴越過三道深溝箭殪多賊其普爾普等所攻第一賊礮官兵直冒鎗石拋擲火彈刨挖礮根賊窘迫出礮官兵鎗箭齊發斃賊甚衆並射中紅衣賊目冒背帶箭而竄成德等將護礮木卡儘力攻開連克石卡四座惟時海蘭察所帶各兵先于半夜月出之前掩蔽火繩屏息魚貫由石壁陡滑處緣上前人之踵幾及後

人之頂以手引手，鐵附前進，預伏礮旁，黎明一湧而登，直上東峯，礮頂毀，門躍入，盡殲賊衆，即撲進西峯，尾礮圍攻，奮力勦殺，無遺，並焚其下，兩木城賊隨燼滅，成德普爾普保寧等冒雨攻圍山梁之礮，敵夜無倦，賊棄礮遁，廿五日早，大霧迷漫之際，海蘭察等復從山梁尾礮乘勢，搶殺西南兩山岡礮卡官兵，勝後勇氣倍增，並攻克日則了口各礮卡，殲戮多賊，是役也，攻得賊礮三十六，木城五，石卡五十餘，平礮百，殺賊數百餘，生擒二獲馬，贏十一，礮一，鏡一口，食無算，喇穆喇穆山梁為此路賊人第一要隘，而日則了口亦勒烏圖要路，將士攀援超越，奮不顧身，雖雨夜霧晨，彌加勇往，而海蘭察不避艱險，每攻必克，尤為勇將，亦由將軍等調度有方，因勅部優叙，并賞兵丁等一月糧，並傳諭獎勛，以待底績策勲。

乘勝勇氣百倍，增並即克。

日則了口是役，諸將皆用力，而海蘭察功最，右相機取。

遜克爾宗佇待捷音奏囊剖

招涼榭

曉涼午熱恒山莊不常之常乃真常今朝卓午頗覺熱
肩輿因即來招涼虛榭果然有獨擅陰濃風颯信白葦
炎熇不知避何處生衣欲換紗衣裳有喜點筆不在此
在彼山田實栗暍秋陽

觀瀑

曰觀曰聽義相生

聖藻題檐別寄情記得髫齡承

眷處至今不斷爾時聲

觀以其形聽以音兩般雖異總由心設將心向瀑中覓
遠矣失之何處尋

澄光室有會

空庭峙喬柯虛窓臨碧水額室曰澄光取義益有以味
光斯為闇耀光亦屬否光而欲其澄乃協含明理玩景
豈徒然會心良於此

題錢陳羣所書詩冊二首一韻

山莊往歲句郵諸八十八翁必手書惟爾因文研妙義
其他賡韻率虛譽徒觀遺蹟猶斐爾暗引遐心一愴予
知已箇中誰復在從今吟興欲為疎

第一首書陳羣所書御製詩並其跋

語冊

莽置案頭偶閱諸人何往矣祇存書卷予字裏義祛藻
嘉彼行間規勝譽兩冊誰知成絕筆

此錢陳羣所書癸巳春巡幸天津御

製詩並其和韻之作及秋以山莊詩寄和而陳羣已臥病此實其絕筆也

一時偏識有開予

可憐老輩凋零盡不啻晨星祇漸疎

第二首書陳
犀和韻詩冊

朱光普秋山行旅

秋實登程候山真閱客區棧迴巖瀑白雲表寺樓朱颯
景斯佳矣旅愁何有乎草亭憩坐者料是倦遊徒

高秋六韻

高秋最何處避暑此山莊有日皆騰朗無風不帶涼
將肥蠡澤蛩益勇聲揚嶺楫欲增色野花爭鬪芳露香
鋪廣甸曦影上深堂別有慰心者田雲漸作黃

副將軍明亮奏攻克宜喜達爾圖山梁已據要隘

籌進取賊巢詩以誌事

宜喜達爾圖賊之北門戶政已一歲餘曾未進數武

所以豐昇額改圖易西路

叶達爾圖山梁為宜喜要隘賊人守禦極嚴昨歲豐昇

額統兵在彼同舒常攻打經年未能寸進因移兵凱立葉亦無可進之路遂就阿桂軍營兩將軍併為一路

明亮進正地復以遇險阻亦欲往西路已謂議可許

明亮

自絨布寨分兵七千移攻正地及遣人偵探黃草坪一路直進二十餘里不見賊踪斯噶爾一路堅礮林立箐密山深難於急進且恐陸賊詭計亦請移赴凱立葉協勦或聽阿桂就近調取以所奏頗為近理遂嘉許之

阿桂令其迴牽綴由宜喜

叶 阿桂聞明亮欲往西路之信謂西路已無藉添兵應

籌牽綴之法使賊勢分而力弱乃飛札明亮令赴宜喜酌勦明亮軍次木池得阿桂札即馳往宜喜而緝斯甲布土司等亦誠懇明亮在彼統兵明亮因駕馭鼓勵土司共知奮勇自効然其地有鑒于上年之難進未能信其為策之善也 昨接阿桂奏攻碉進叶了口叶即日晴明望宜

喜賊碉毀弗覩但見我軍營列據山梁處疑信尚未定

今朝奏囊剖叶分攻彼七碉奮勇齊並舉一時皆即克

魚得格勒古

昨阿桂於日則了口軍營奏初六日清晨雲開日出之後遙望達爾圖山梁賊碉俱已

不見但見官兵營蓋七座知明亮已得手云云雖喜且盼未敢遽信也十八日早明亮奏達爾圖山梁橫亘數

里其中節尤要賊於此連繫七碉非分攻不能得利因
派奎林等攻第一第二兩碉和隆武等攻第三碉三係
等攻第四碉珠爾格德等攻第五碉科瑪等攻第六碉
噶塔布等攻第七碉每起帶兵六七十名不等復派馬
彪舒景安都爾嘉等各帶兵策應其俄坡格勒古則令
都司崔文傑等帶領綽斯甲布土兵三千往攻初四日
黎明前各將領分路並進維時大雨如注官兵冒雨直
進勇氣百倍和隆武先攻得第三碉餘皆以次而克殪
賊二百餘餘敵首級者廿一耳記三十七其俄坡格勒古
亦俱攻得隨將所有碉卡拆毀安設營壘與阿桂所奏
望見情形惟餘第四碉勵衆期必取明亮等通計得戰
明十五座平房廿
適相合矣六間大礮六鎗矛食物無算生擒大頭人一散者八惟
餘東北山口第四碉未克然其勢已孤現今設法攻取
一經攻克即可乘席捲之勢與阿桂合兵搥擊以伸衆忿成功神且速嘉勞去聲難盡

語而實賴

天佑助順默相輔賊巢已逼近螳臂應難禦諸臣既同

心和則力共努

明亮奏至降旨交部優敘在事出力兵丁各賞一月糧將軍等如此同心協力

深所嘉許和能成事計日盼捷音之至

定功膺茂褒捷音日夜佇

題錢維城山水

豎峰極戍削長空復寥廓粉本出文賦萬物筆端託胸
中具操縱詎惟有邱壑高人樓上望飛雁起樓脚目之
至天邊遠帆入冥漠

夜雨

七月廿三日

弗雨將旬日邇來熱異常夜衾間浙漉心地頓清涼度

嶺態思白膏

去聲

田色濯黃別因生慰者蕎菜亦豐償

玉岑精舍對晴

夜雨達晨雲未開時零時止時浩浩便教繼日知無妨

而心究覺晴為好逮已頗見其勢殺

去聲

卓午遂放曦光

皦快雨快晴真足慰肩輿石徑無泥潦昨朝炎燭忽已

忘乘涼遂與窮窈窕玉岑精舍極西北祇曾一至茲再

造^十 峭簷菁蔥總如沐更有山風吹籟巧最娛視聽衣
袂寒蔚藍天色懸秋昊對面巖室小滄浪今日副名誠
不小俯欣有水思濯纓自取之也義可曉

清舒山館

歲歲有題留寧當頓置不舒懷畧此際清景最於秋日
遠樹陰張^{去聲}氣涼花露稠門前一灣水駒隙共斯沅

將軍阿桂奏報攻克該布達什諾大木城及色朔
普下各碉并焚燒格魯瓦角寨落詩以誌事

制勝出奇資帥畧克碉殲賊不崇朝

阿桂奏該布達什諸賊人木城最爲

扼要若從彼繞出即斷其後路不得不爲冒險出奇之計隨派海蘭察等分路繞截攻打十七日寅刻各帶兵潛進比黎明海蘭察已繞過箐林搶佔木城後山腰之上派兵焚其附近寨落殲其番衆賊見事勢危急悉衆米搜捨死格鬪我滿洲索倫兵鎗箭齊發殲賊無數並射其兩頭人官兵箭枝將盡遂暫撤回額森特見賊人寨落烟起知海蘭察已經繞出則色湖普右山溝下備禦必疎遂起越巉道渾達且戰且行直踞色湖普右山梁亦焚其下附近寨落十八日夜復派各路帶兵分攻訂於十九日子刻同時並起官兵乘勢分進折棚上碉勇皆百倍富興福康安成德等各將木城碉卡攻克海蘭察於山後射斃多賊額森特亦循山梁直下均各攻奪賊寨立時焚燬此皆色湖普下格魯瓦角地也計克戰碉二十三木城九石卡六十餘焚燬寨落七十餘碉房

數百殲賊男婦老幼三四百所獲軍械糧畜
無算官兵勢已聯絡現在進攻遜克爾宗
三軍敵愾

誠均篤二將宣猷績獨超
此次攻殲殺賊在事將領弁兵無不奮勇出力而海蘭察

額森特尤為勇畧起屠除諭部優叙外仍加賞海蘭察
察起勇已圖魯額森特姻勇巴圖魯號以旌異之事

逮半功將逮倍勇宜鼓志不宜驕
現今大功將成諸事尤宜全善三軍乘勝

策入自皆鼓勇直前然不可因此稍涉矜驕
以致志得意滿畧有疎懈並傳諭切誡之
勛哉佇企

紅旗報紫閣重開姓氏標
平定西陲凱旋時曾繪功臣像於紫光閣其立勲最著之

五十人親為之贊餘五十人亦命儒臣擬撰贊辭書之
並紀殊績今平定金川原係內地土司雖非若西師之

拓地開疆可比而將士攻堅力戰之績則較西師更多
將來功成凱宴亦欲倣西師之例圖形紫光閣以昭茂典

題鄒一桂楓林停車圖

停車楓阪坐移時，霜葉飛來引綺思。詩寫收之不重詠，

國中寫收之全詩而無題句

為他七字括無遺

蕭蕭落葉打頭巾，坐喜秋光清絕倫。小杜纖穠老杜老，
畫家意究屬何人

避暑山莊仲秋尚有荷，因倣文嘉蓮藕淨因圖寫

之並再疊舊韻

荷朵仲秋見，惟應此熱泉

山莊內有溫泉，熱河以此得名。

味堪爭桂馥

色似傲霜鮮再做仍率爾相看祇淡然一空具四有

內圖

花葉藕蓮
蓬各一

默會是何緣

綠雲樓

莫謂雲閒矣斯雲綠重不綠圍羣嶺腹雲接遠峰頭級
始今朝拾句應五字留到來過

早聲

兩月虛擲笑何由

水月精舍

西日欲下山弦月正在水虛窓所恒見而我偶值此浮
光接清華妙趣含至理誰知沅盪間屈指中秋矣

恭奉

聖母遊獅子園

歲歲今朝奉

豫巡

近年來率以八月初十日奉

聖母遊此並

賜食欣陪

賜食笑言申南山獻

壽方當面

西母延禧自有神耳順年庚慕同孺秋中風日藹疑春
膝前歡喜承

思諭恒例如斯訂約頌

賦得九方歎相馬

得黃字八韻
鄉試題

伯樂舉所與其人曰九方天機貴精得物質乃粗忘盡
信如無審求真詎異常性情內或隱形色外奚藏寧一沙
邱馬類三龍耳臧相皮韓傳誚畫骨杜詩彰豈以力稱

駿端因德號良長城嶺安度却憶錦雲黃

卸廐昔育黃
馬名錦雲驪

者善涉淖辛巳春巡幸五臺雪後度長城嶺山徑泥滑
危從諸騎多蹶躓者獨余所乘錦雲驪跋淖如踐坦途
實為良馬今

每追憶之

按列子此語蓋出寓言如公孫龍臧三耳詭辯之流耳凡馬之稱良者必以牡斷無以牝之理且沙邱寧止一馬穆公所使之人非即九方歟使如其言而求牝而黃者來將如之何而其人得牡而驪者是其相馬又出於九方歟之上而伯樂乃得以遁其辭雖然此皆戲論余以理度之信其必無

中秋即事

興州桂節常欣度比似皇都致不同尺五泐瀛喜天近

平分洲魄正秋中吳仙修處葉全綠周子愛時花尚紅

山莊仲秋月荷花尚開雖以苑內有溫泉之故然荷桂同時亦風景之特勝者物意人情多決

洽祇餘翹盼葦鴻功

山莊啓蹕木蘭行園之作

齋趨松鶴敬

安諏

山莊內
憩息處曰松鶴齋

聖母恒

遂以虞旌發蹕騶小濶

寢門廿餘日丕承

家法萬斯秋西成厯覽欣綏屢北部羣隨聚仰流攬轡

據鞍同往歲肯因耽逸懈

貽謀

入崖口

柳條邊界植援堵九曲伊遜

讀作平聲

又溯之排闥兩峰錦

與繡張屏四面畫兮詩懸流水響平流寂遠望山高近

望卑豈不長年熟經歷一迴到別一興思

永安芥喀

國語沙謂之永安岡謂之芥喀是地為入崖口第一圓場

第一圓場猶近邊麋麋草獸已樊然諸藩扈是兒孫輩

列爵稱非左右賢馳愛平岡策紫駿中連四庫控朱弦

部旗常例笑何謂六十纔過曰老年

兵部八旗遇考察武職年六十以上

者即免試馬射余春秋六十有四馳射如常甚矣部旗成例之可笑也

雪

八月廿八日

密佈秋雲低詰朝興安八月六花飄千山玉戲幻隱現
四野銀鋪迷近遙木杓泥乾歸帳殿竹鑪烟起認茶寮
從來於此多逸興飛處紛同卒未消

罷圍

屢曾雪獵喜為詩卷密放彌各有時遠以萬林攢霰落

遂教千騎免圍披未能親罷魏文慙

去聲

也覺吾良宣聖

思策馬還營慰心處迤南應雨麥田滋

高晉吳嗣爵奏黃水陡漲外河隄工漫溢情形詩

以誌事

清口稍治洪澤湖

先是洪澤湖水漲下河每受其患壬午南巡閱視湖河情形于五壩酌定

水誌如壩誌多過一尺即將清口折開十丈視誌尺多寡以定口門寬窄俾資宣洩水小則收築如常十餘年

東下河得免水患職山之故獨黃河永逸計誠無陡聞
治黃則實無一勞永逸之策也

老壩為患矣已過秋分有是乎

高晉等奏八月十五六等日因上津發水黃河

陡漲三尺餘又值連日雨驟風狂十九日子時將外河南岸老壩口堤工湧溢過水大溜全注缺口約寬七十餘丈共湧水由山子湖流入馬家蕩下連射陽湖歸海附近之板閘淮安一帶俱被水淹房屋間有坍塌人口亦有損傷現飭確查撫卹並調其官弁設法堵開云云十八日已過秋分水勢何以尚至于此然則白露後水冷沙澄之說南

蕩析早知壞廬舍浸淫更慮薄城郭

昨淮

關監督伊齡阿奏閘署水深八九尺其附近之地大概可知而淮安更在其下未稔被水情形奚似其水曾否進城倉廩市廛有無淹浸已傳諭詢問深為廬念並飭何謂馳往協辦如需用秋霖等料物則自豫省採辦煩河而下以資速濟急工並遣大學士舒赫德乘傳迅往董視逾期合龍以慰殷注

賑調堵築胥

金匱要略卷二十四
應急分勅諸臣莫緩圖

木蘭迴蹕至避暑山莊恭問

皇太后安喜而成什

乘時修彌返山莊歷攬秋收喜報穰境是真仙

恣遊豫歡承

王母倍康強霜輕紫柵爭松翠氣暖紅荷共菊黃

迴蹕山莊

正當菊花之時而湖中荷花尚有開者節過寒露即內地亦不能若此實為罕觀養由苑中本有溫泉是以地脈融照而今年日上明窓供點筆那忘即景惜沅光

氣候倍暖故爾

山莊深秋即景

昨日門前送

鳳簾後程因致小留淹林稀疎向平原出水冷魚尋深
沼潛金氣肅消幽塢外碧霄朗接遠峰尖最佳處合忘
諸慮盼切捷音志未快

進古北口作

嶽關此日度歸驂四月流陰一瞬參閭左秋成聊用慰
山東變故頓因慙

壽張奸民王倫倡為白蓮邪教糾眾
作亂侵掠壽張陽穀堂邑三縣賊害

縣官縱囚劫庫佔拠臨清舊城掇害旁近村落而山東
綠營兵怯懦無用不能攻克因派京兵一千令周倫額
尉拉旺多爾濟等帶領特命大學士舒赫德往彼董理
軍務並勅周元理何謂各統兵於境上邀截逆首自可
尅日成擒削平賊黨以靖地方么肅敢作不靖雖其自
取殲誅但四十年來愛養羣黎豈宜尚有此叛逆之衆
思之實為憤懣耳

迴頭塞景還瞻北撲面暄風以向南絕壁懸
岷連埤堦爾時民力若為堪

恭奉

皇太后迴蹕至御園作

知年不忍舉

宣尼喜奉

慈遊是所知 啓駕日同至 共日往營時先

去聲

返踰時

年遇

率以同日奉

聖母殿驛即先行至避暑山莊迎

駕迴鑒則

聖母先行朕於山莊多駐數日啟驛

仍同日
至御園

霜楓吟杜丹青錯秋菊疑陶黃紫披百二居諸

消一瞬依然望捷縑遙思

御園季秋即景

御園小駐未還宮 景物深秋致弗同 問政求衣宵漏報
消閒披簡午窓融 綠雲不蔽松梢日 黃雨紛飛柳葉風

昨見沿途麥苗茁便因望雪護芄芄

孟冬時享

太廟禮成有述

吉朔乘時禮舉

烝履霜義象凜堅冰

萬年似續期無忝

一脈精神若有憑

俊胤固嘗親

祖考繼繩豈敢忘

高曾即如宣祝欲流涕代

祭知他恐未能

誌事一首

有序

黃水秋騰一綫忽驚蟻潰白蓮宵聚么膺敢肆鴟
張河臣之奏牘星馳壇吏之報章羽遮鴻敷宜輯
軫茲淮北災黎烏合未除薄彼山東懦卒四邑拯
濁流積丈蠲賑兼施八旗掄勁旅盈千飽騰遙祭

爰咨方伯惟汝莅襄厥工迺遣閣臣為予往董其
事度地而撫綏安堵民各淪肌燬橋而殲擊臨河
賊先破膽功因趲赴焚棧早葺夫隄頭勦用環攻
節鉞並徼諸境上老孥則兩旬輦合舊城則五日
蕩平正溜重歸缺岸既潛蚪移窟羣兇咸縛渠魁
亦窮鳥焚巢顧兩端勞以寸心郵增旁午而匝
月紓於一旦函集凌晨人皆為之欣然我則因而
愬若紀成長律引式片言

淮浦洪波決蟻堰壽張邪教逞梟徒河臣堵築諭山驛
旗騎掃除發自都幸報合龍得安晏更聞殲獍絕根株
兩般要務成彌月弗以為欣增愧吾

臨清歎

臨清傍運河富庶甲齊郡一旦遭賊焚遂至不可問白
蓮教始徐鴻儒百餘年未盡根株王倫倡亂壽張縣逆
黨蟻聚起一呼蔓延三縣受其害戕吏劫庫毆無辜遂
據臨清作巢穴三犯新城未遂謀

叶 賊據臨清舊城
為巢穴幾半月餘三

次犯臨清新城城中文武守禦極嚴賊甚眾賊不得逞爰發京兵速勦滅重臣經

事資嘉謨

山東綠營兵懦怯無用知其未能勦賊特簡健銳火器營兵一千令額駙拉旺多爾濟等

帶往又掄東三省善射五十人馳赴之並遣大學士舒赫德先期往董軍務京兵甫至臨清賊已有聞風奔竄者經春寧音濟圖邀擊盡殲之八旗勁旅國勇銳兵前亦深藉舒赫德調度之力四面會合同

日進遊魂釜底奚逃誅而何逆賊竟抗拒無已火攻下

策圖

舒赫德由德州進兵攻其東北徐績自東昌一路進兵攻其東南應徐績不習兵別遣阿思哈率京

兵二百往會之周元理遣直隸總兵副將領兵攻其西北何煒遠河南總兵攻其西南逆賊四面受圍伏匿積城不敢出而其地街巷狹隘屋宇稠密官兵難以施展舒赫德不得已因用火攻之策既翦羽翼彼

力盡翻自舉火燔其軀藏事迅惟經六日

自國攻舊城以後每日俱

有新獲賊黨以次殲殲要犯悉就擒惟首犯王倫自揣罪重在樓縱火自焚死按驗得實蓋進兵凡六日而事

藏使非京兵之力

趙彥七月何延紆

明季徐鴻儒倡白蓮教擾山東前後

安能神速若此

凡二十年巡撫趙彥以七月討平之

賊蹂躪官軍攻富庶之地焦土空服

燭招集勅大吏午夜猶痛愚民窮玉石俱焚固爾自取

舊城居民亦有被脅從賊者先期諭令投歸即免罪乃招之不出兵至豈能復分殺戮過多固所不忍然由若

輩自取亦無

雖然吾惟引過責吾躬

可如何耳

微雪

十月二十日

不寐夜如何報稱雲勢羅連辰方浙滙入已遂髮髻重
閣藏金鳳彌霄舞玉鶯忽兮弭膝六條以現義和慰弗
抵其惜吟徒付此哦明知時尚早於澤那辭多

將軍阿桂等奏報攻占默格爾山梁並奪碉殺賊

情形詩以誌慰

遜克爾宗賊門戶攻餘兩月未能開因教繞道乘其隙
前因阿桂在遜克爾宗攻勦日久未能即得因思日爾
八當噶湯必須攻取之地商之阿桂或令豐昇額帶兵
數千馳赴凱立業與五位合力攻壓可收夾擊
之利現在覓間進攻之路遠與前旨相合焉
遂得登

峰巖殿魁

阿桂奏探得日爾八當噶以下榮噶爾博以

烏圍既為得勢而凱立紫日爾八當噶之賊皆在我後

計可不攻自潰因令海蘭察等繞道前往擒佔點格爾

山梁額森特等亦奪獲碉卡瑚尼爾圖帶兵佔據日爾

八當噶西面高峰海蘭察額森特復攻壓密拉噶拉木

大寨及其旁碉卡盡行攻克並克獲凱立葉各寨通計

殺賊一百五六十生擒者五擒得大碉寨房二百餘間

鎗矛牛羊糈糧等物無算

榮噶八當應棄守

阿桂稱現據之密拉

噶拉木距噶爾丹喇嘛寺不過十餘里即前米勒烏圍

賊巢亦止二十里今經官兵佔據則榮噶爾博之賊已

失其險日爾八當噶雖尚有賊而前後俱有官兵賊自

不能復為死守云云想可迅掃勒烏圍以期大功速藏

至此次官兵因阻滯日久積憤愈屬於並無路徑之處

不避險滑攀越力攻竟日徹夜不少休息可嘉之中復

為憐惜因勅部議叙其海蘭察額森特尤
為勇敢超羣特授參贊大臣以示獎勵
勅圍噶喇速

成推

勅為圍急呼則為勅圍噶喇速

諸臣努力憐為慰朝夕

紅旗望報來

題年益茅舍間吟圖

擣衣曾弄白描圖

石渠寶笈舊藏年益白描擣衣設色
卷曾用謝惠連擣衣詩韻題之

今看結撰殊幽客罷茶味編簡僕人沽酒負壺盧一椽

足慰棲遲耳五斗寧就仕祿乎試問閒吟趣何託日新惟

德肯名孤

益字
德新

副將軍明亮攻克日旁一帶碉寨詩以誌慰

三軍同力努諸將一心佳達爾圖雖險日旁梯可階

明亮

奏以達爾圖賊人有備未可急於輕進因查日旁道路
上臨絕壁貼有斜坡一道寬不及丈下至山半復陡起
石包賊人在上聯排礮卡難展兵威惟周更對面之山
即係日旁分支其前有路可以繞出石包之後林深路
險止可進而不能退隨派和隆武等帶兵從此路晝伏夜
行密為繞越仍於正面派兵揚威其斜下山溝並派兵
規取明亮等復統兵在後策應均
分兵還選隊入箐更
約於十月二十日寅刻同時進攻

緣崖正正旗先展堂堂陣自闢聲東擊西應前至後登
皆流淌飛橈撮抱頭互擠排石包難復守沙壩亦淪埋

望已賊巢近擣從虛處挨

十九日四更和隆武兵已繞至日旁山後即分擄礮寨賊

衆措手不及鎗石俱不能施我兵盡力勦殺將所有戰礮十餘座平礮二百餘間全行攻奪即山溝內水礮水卡亦經佔據沙壩山賊幾次欲來冲奪俱為我兵截住而石包上扼守之賊因官兵勦擊追射無路可逃俱紛紛滾崖落澗無得脫者統計擒賊甚多割獻首級三十餘生擒者七所獲兵械馬騾牛羊口糧等物無算遍此石包直望勒烏圍不過二十里皆係湯坡且與阿桂所攻日爾八當噶止隔一河兩軍會合即已不遠本為聲東擊西之計今成攻瑕擣虛之舉為之欣慰因將副將軍參贊以下至官兵等諭部錄叙

夾攻知日

指大捷候星差和起真有子

此次攻得日旁全係和隆武之功和隆武為將軍和

起之子和起前在開展軍營因追巴雅爾為逆回所害曾加優卹並給以世職今和隆武復能如此宣勞建績和起

可謂有子為之
欣喜無感於懷
欣餘切感懷

齋宮夜雪六韻

十一月十七日

午雲蔽金鳥夜雪灑銅龍
渥澤迎長至殷希慰半冬

冬八

已月半雖曾微
雪不似此優渥

隔窓想浩浩積閣額重重
不寐消清漏

忘言曉遠鐘寢衣身敢遑
側席意彌顚難說麥根固艱

哉憶在農

雪培冬麥此恆理也聞饑南河間一帶秋旱
鮮種冬麥惟望雪澤優渥地潤或可早種春

耳麥

冬至

南郊禮成述事

雪霑三寸先三日

祀舉一朝凜一忱省歲有豐還有歛沐

恩惟厚益惟欽青齊黃瀆胥歸靖

山東壽張逆匪王倫等糾衆作亂侵擾三

縣劫庫戕官搶據臨清舊城肆掠村鎮將發八旗勁旅

千餘命大學士舒赫德等往彼統率經理數日即盡勦滅

匪其起事甫及一月而淮安外河老壩口隄工濬溢處

自堵築至合龍僅二十日兩事皆成功迅速實賴

天佑

索諾丹巴額早橋

金川土司索諾丹巴沃雜爾則其用事頭

人果奸狡者今阿桂已統兵攻克格魯古一帶碉寨即日可抵勒烏圍聞逆酋索諾木及莎羅奔兄弟皆聚於

彼惟冀上蒼嘉佑一
鼓成擒更得迅速藏功耳

子月恰當陽復子

是日子正二刻冬至

倍顯義象見

天心

題趙善長聽松圖

對坐高人意各超
喬松風入響蕭蕭
聽來祇作雲濤想
不擬徵招與角招

題和闐玉羅漢

應真十六此其一
詢以章嘉次第殊

十六羅漢之名見於梵經納蓮華傳

及法住記而俗所稱十八者不見梵典曩為貫休畫十六應真製贊詔之章嘉國師考訂其名定其次第乃自第一阿彌達尊者至第十六阿必達尊者悉以同文韻紐三合切音字寫之一正震旦流傳之謬其後凡遇應真像率為識者已為巴納嘅此像證之畫本所傳當是印證標之第此像證之畫本所傳當是十一租查巴釐嘅尊者黎合音急呼之仍納字也不然訝似鬼吏區心慈貌狠何妨也盡態

窮神有是乎何處問從粉本得聖因寺裏貫休圖貫休羅漢

畫軸舊為聖因寺藏寶題贊後仍命還弄手中

雪

十二月十七日

臘雪優連冬雪飄

入嘉平雖屢微雪惟此
番積地三寸較前為優稷霽

原書魚尾下書名訛誤

終日密濂濂霑膏屈指剛彌月

前月十七夜得雪三寸曾有齋

宮夜雪詩紀事

數上節如期先

去聲兩朝十九日大寒節

距今甫當匝月

溫樹映窓燦梅朶心田依壠潤蕤苗迎年鼓聽
都曇響欣與吾民慶序調

歲暮禋祭

太廟禮成六韻

四時鈞運轉

九世禋禋臨

歲暮禘祭

九世祖宗同堂公旦達孝創

宣尼論語斟敢云指諸掌惟是切於心節少步趨數

八聲

期恒躬

祭欽

裕祭禮文雖重自前歲以來予春秋已通六十命閭部諸臣將緝儀少節以要諸久因議於

正

位躬致辨香

廟之路亦改由

列祖各位則派近支諸王及皇子恭廟塹北門循牆而東

至戟門前降輿冀稍省步趨之勞益得專誠對越且可期歲必親在用展追遠之思

又茲三

閱歲無那隙沅陰帛酒近支

獻冀因親脈

歆

題文徵明寒林鍾馗

假借終葵遂有稱訛傳進士辟邪能衡翁自負博古者

北史緣何未讀曾

終葵字見於考工記杆上終葵首注云為椎於其上明無所屈辟邪之義

蓋昉諸此後世遂以為名字考北史張白澤本字終葵太原公子勁亦字鍾葵又堯暉本名鍾葵字辟邪此皆史冊可據者楊慎丹鉛錄云世畫鍾葵于門謂之辟邪由堯暉而傳會但蔡廬二字異耳俗傳鍾馗謂起于唐明皇之夢蓋為唐人戲作鍾馗傳所誤徵明故自負博洽者何未加詳識耶


疑是地仙抑鬼仙寒林漠漠立輕烟長髯袖手如微笑

幻閱人間二百年

徵明自題甲午除夕連今甲午閱世二百四十年舉成數也

除夕

牆角曦全隱樓陰雪尚餘萬家爆漸夥四海歲云除暖
帶寒鉤巧貞潛元復徐紅旗立將至西望益殷予



御製詩四集卷二十四

欽定四庫全書

集部

御製詩四集卷二十七至

編修臣
初喬齡覆校

總校官編修臣
程嘉謨

欽定四庫全書

御製詩四集卷二十五

古今體一百四首

乙未

乙未元旦

鞠陵朱鳥始東升
運斗時欽五位乘
玉帛萬方稔元會
金湯奕葉凜丕承
扇菱敷影和光霽
鼎柏噴煙瑞氣凝
滋味歲朝值留熟
欣同黎庶祝三登

元旦試筆

賀

祚御正行次第禮雖多覺體安舒六旬得歲又開五四
十踐基益勵初物阜民恬恒願彼宵衣旰食敢踈予未
知始望能符否予初登極時曾對天立願若臨御
至六十年予春秋亦八十有五即當歸
政以今歲計之尚有二十年也屈指廿年猶待諸

重華書室坐逾時開筆元辰例在茲資始心經述

祖典

向每元旦必書心經一冊至每月朔望書心
經則自今歲元旦始遵

皇祖成例也藉因

佛力祝

慈釐祇緣厯久惕持久未至無為勗有為几展花牋揆
初句尋思那可易言詩

張經歲朝圖

餅簪卉復盤貯果

佛手香
圓各種

信手拈香總逼真那更水仙

辭洛渚也因初祉祝

天竺

長春

月李一
名長春

詠檀玉如意

琢以羊脂玉相聲

平惟牛首檀
典出梵

雕幾非所尚樸雅恰

宜觀代可語深辨揮將花落攢如詢意之願歲美萬民

安

正月二日重華宮侍

皇太后宴喜而成什

青宮

家宴啓開年喜領曾元繞

座前

母子壽登百五十古今瑞越世三千猗猗雪象迎春踞

璀璨銀花入夕燃扶

輦長街壽康返

壽康宮
所恒燕寢

聖母
之處也

明朝問

寢倍欣然

題高喜歲朝圖

榕潤瓊姿梅吐香
剡藤春物報昌昌
水仙不藉解玉佩
來祝初祺肇吉祥

命加賑直隸去歲偏災州縣詩以誌事

去年幾輔率逢秋
偏曠東南致歉收
豈以一隅心弗念
應教兩月澤加優
無論災戶極還次
普予賑糧縣與州

直隸昨歲均屬有秋惟天津青縣靜海滄州南皮鹽山慶雲獻縣交河東光武邑武強霸州文安大城寧河等十六州縣偏被旱災收成歉薄業已照例賑恤恐青黃不接之時民食未免拮据因降旨無論極次貧民均予加賑兩個月俾資接濟

十萬通倉設嫌少兼施銀米例堪求

發通倉米

十萬石為各州縣賑濟之用並以預購豫省麥十二萬石酌給其不敷者仍准照例銀米兼賑

題尤求書閣早梅圖

寫出孤山不落梅

尤求此圖蓋摹林逋孤山之意秦卽題詩末句云寫箇孤山不落梅茲易

其一字便覺不悞并識之

野亭放鶴憶徘徊

孤山今有放鶴亭而無留鶴軒不知秦卽何所指

石橋策蹇伊誰氏應是杭州薛暎來

命加賑甘肅偏災州縣並展限緩征積欠因成是

什

十行施惠豈虛云甘省貧民尤所廩原有偏災七處被

昨歲甘肅通省收成統計八分有餘惟皋蘭武威靈州
寧朔平羅鎮番沙泥州判等七州縣夏禾偶被偏災

可稱秋獲八條分

以甘省收成八分而計本不應賑因念邊陲地瘠民貧仍照例賑恤并同

秋禾被災之金縣西寧平
番肅州四處均展賑一月

更思逋欠陳相接次第展寬

催漫勤

甘省自乾隆二十三年至三十五年民借籽種
口糧等項積欠累累前經加恩將逋糧四百餘

萬石全免其折色銀一百三十二萬餘兩分六年帶徵
今已四年未完銀仍一百餘萬若新舊並徵穀收之民

未免艱窘因并降旨酌
展四年二年以蘇民困
咨爾守疆大小吏民艱勿隱我

欣聞

詠做永樂朱漆菊花盤

吳下髹工巧莫比
做為或比舊還過
脫胎那用木和錫
成器奚勞琢與磨
博士品同謝青喻
仙人顏似暈朱醅
事宜師古寧斯謂
擬欲摘吟愧即多

由液池東岸入淑清院門

初春藩宴待班齊
西苑鳴鑾小憩俟
太液鋪冰原是水

長衢凍雪不生泥石門纔入仙凡別松磴寧辭高下躋
素尚齋真愜懷抱方來春意任吟批

千尺雪二首

小憩由來愛水齋冰溪積素映澄懷因之思義顧名別
幻雪何如真雪佳

水流弗凍淖斯凍此義分明契戶樞試問憧憧來往者
動中有靜亦知夫

賓竹室

室在綠琅玕叢裏賓竹之名乃以此詎因瀟灑託幽興
植中蓋謂斯君子王順長息豈其倫顏般亥唐庶可擬
迭為賓主則勲華人倫之至心焉企

清音閣

凡物不得平則鳴昌黎知一未知二譬如春鳥與風松
豈弗清泠暢其意其意暢故聽者暢登閣無妨寓此志
義之應是箇中人何言絲竹陶寫寄

靜柯室

風靜柯因靜風鳴柯亦鳴然斯屬色相去聲未覺泯心情
設弗步而至誰從枝際評空空書室在却得契無生

延賞亭

亭在西南隅以遙弗恒臨新正偶一登延賞真暢襟雖
遲桃柳芳而饒松竹音宮城枕六街皇州春未深茂對
奉始和保泰凜難諶

補桐書屋

嶸嶸入石門假山百年古松栢有恒春梧桐則藉補舊

材斲為琴篋衍室中貯孰真抑孰幻非能亦非所擬欲
喚伯牙斯意為我譜

隨安室

隨安舊書室是處與題名况昔棲遲地

雍正二年曾居此讀書

如

聞佔畢聲幾曾德業進空憶就將情所愧宣尼語三年
曷有成

魚樂亭

層冰下自有魚居其樂寧當少異諸却喜溪亭名永占

謾從莊叟問何如

藻韻樓口號

不迴書樓纔十笏所饒架有縹緗羅退之木強聲何妨

窄

見六一詩話

却是因難見巧多

敦叙殿有詠

敦叙臯陶訓九經列在三偶臨原以暇再舉則何堪

丙寅

秋曾集王公宗室等於此賜宴聯句今將三十年而當時與宴親藩存者無幾因不忍再舉矣竹韻風

輕夏梅芬春細舍奚因遣遠緒緜几擁書函

題崇雅殿

文石開三徑樓松植滿庭澹懷厭長去聲物消暇在明經
風輭寒雲幕曦溫朗綺櫺如云黜浮寓燕許有儀型

遐矚樓作歌

我聞重華闢四門四目其意亦曰塵遐矚然予於斯
有進焉遐尚易知近難燭泰山之高蔽於一指毫釐差
茲千里謬彼然則如之何要在克己而窮理

戲題菊香書屋

秋令每逢於塞外菊香時節幾曾臨
盆椿氣味殊相稱
去聲名寓陶家實在林

愛翠樓

春光纔醞釀林枝皆突兀山樓曰愛翠翠色實未發然
予有別會愛趣乃無竭譬日中必昃知芳專有歇蓄意
於未來延景弗滅沒寄語登樓人斯言不可忽

紫光閣宴外藩卽事成什

外藩恩宴例初年協洽情宜與衆聯共慶蠶登稻昌卜

見淮南子

合教樂備禮明宣促成醺什榜鄰舊將寫戰圖廡

展前

向年平定西域曾繪戰圖張紫光閣壁即日蕩平金川擬于閣外展接前廡以備繪圖紀績

兩紀崇勲藉輿力惻然意覺勝欣然

重華宮茶宴廷臣及內廷翰林等用天祿琳瑯聯

句是日復成二律

甲子琳瑯輯天祿

琳瑯訂舊版書為天祿琳瑯自甲子年始

因之內殿度昭

仁三旬閱歲編維舊四庫於今書薈新體固叅差置應

別品資檢校得求真笑咨通日抽增者

舊所辦宋版中頗有未確今經

訂正改撤者亦有原辦
踈漏今為考定增入者 豈乏當時預選人

交泰聯情聚翰僚重華喜值小年朝

見月令輯要
杭州府志

聊因

應節設芳茗畧異開筵詠慕蕭為學立言當顧行勅幾
食盱與衣宵崇文詎曰崇虛飾復旦卿雲莫謾謠

天祿琳瑯鑒藏舊版書籍聯句

有序

芸編蘊古香盈羣王之藏茗榼延韶歡洽重華之
賞溯前度籤羅縹碧聯吟美已窺全述今番響夏
琳瑯比例珍宜居上繫此傳稱善本取之而盡拔

其尤原夫刻貴初摹數焉而必從其朔蓋自石經
乍泐製初成都雕字旋繁文詳廣順範移鐵板存
中之舊話堪稽倚向書床邦彥之遺聞彌艷况復
西廊東庫頒官留胄監之書兼看崇化麻沙入肆
走巾箱之式攷紀年於大定翠琰曾鐫徽掌署於
興文白藤競印逮勝國技沿荆氏蘇州樣比杭州
更誰家影付鈔胥汲古妙偕述古別梓梨而選粹
寧徒邊論單雙驗楮墨而差良奚止畫分麤細

耳食鈴題漫信撫名則贗鼎都刪任手披摸索非
難審體則善刀能品物克聚於所好喜四百部甲
乙都排書在佳而不多閱半千年菁華盡備歷宋
金元明而完弃護持應藉六丁依經史子集以臚
陳整妮真同二酉爰迺拈題舉典因之授簡分曹
日是初三中適春朝元旦人仍四七班薰鳳閣鸞
坡計

祈年尚及經旬招宜徵角顧侍

讌繞過疇昔樂逮臣鄰詎矜中壘閣藜名沿天祿畧仿
新吳府玉韻叶青陽矧茲儲以昭仁在予益凜體
仁之義亦曰喻惟求舊願爾無忘由舊之規

御製上正三節肇春祥茶宴重華例有常黃閣玉堂胥就
列

赤文

仙藻首成章什研麗則抽中秘箋授臣鄰侍左廂四庫

昨曾賡竹素

上年茶宴以四庫全書聯句

臣舒赫德

百城茲又詠琳

瑯涵書味復融

詩味挹茗香頻沁墨香照以青藜卑漢閣

臣于敏中

積來元

圓陋曹倉府區典籍西都固美埽球玕禹貢梁漫

詡鄴侯籤插架

臣李侍克

浪吟何氏屋連床乙光偕賦

乙未讌甲觀聯披甲子袞

書自乾隆甲子重袞以來凡有所得均籤書年

月以誌鑒藏先後

各按部分部系句

諸書各系以句臣福隆安

御製總臚目舉目歸綱

宋版及影宋鈔全入題詠亦如四庫全書例以經史子集為次其元

明版則各舉其尤佳者入詠

宋金鉛槧元明繼經史精華子集襄續

後韋編王弼注

周易

箋依毛傳鄭公鄉

監本毛詩

呂詩真鑑屬元汴

呂祖謙詩紀

項氏天籟閣藏本

周禮精鈐標建陽

周禮宋建本

纂附闕官逸

教補

無名氏周禮纂圖互註臣官保

解求盲左癖奚忘

杜預春秋經傳

集解腴詞音辨脣兮齒

陸德明左氏音義

墨守疵攻膏與盲

公羊傳註疏

紅印鄂州霑紙濕

公羊解詁徐彥疏宋建本末有鄂

即何休註

州學官印程景伊繆紋晉第帶芸鄉

穀梁傳註疏首有晉府書畫之印

中書劄付胥徒掌

程公說春秋分記未有元大德間奉江浙行中書省劄付紅

印小字巾箱尺寸強五經小字本續匠六經貽越殿楊甲

六經圖有宋緝熙殿學童四子溯衢庠四書宋衢州書籍印

庠本詳申鄒邑推張栻張栻孟子詳說廣梓閩中衍野王孫彊

大廣並會玉篇增顧跡對時規嘗紀數六經之名始見

野王原本宋閩中刻莊子天運篇謂吾何以規老聃哉及

御製類虛班藝匪遺亡漢書藝文志無史類蓋是時諸史未興如楚漢春秋等書今入史類

者皆在春秋類匪闕遺也惟欣文景能休養漢書亦曰明章號治康後漢

書五代即隋尚如檜隋書

兩家改昀並存唐

唐書 宋初歐陽修改劉昀舊唐書明監本廿一史遂不收昀作論

者謂舊書自有勝處武英殿板新舊並存

考鈔涑水聊稽異

司馬光資治通鑑考異

鑑刻廬陵肇間行

朱子資治通鑑綱目是書初刻溫陵別其綱為提要此本乃繼刻廬陵

者綱目分行間列如春秋經傳例

具本末全啓馮谷

袁樞通鑑紀事本末按樞昉為此

體馮琦宋元紀事本末谷應泰明紀事本末皆襲之

臣稽璜念終始典冠義黃

范祖禹帝

學提其要取括繁冗

錢瑞禮諸史提要

糾厥繆爰資救匡

吳鎮新唐

書糾

真筆幾家窺筆削

呂夏卿唐書直筆新例臣英廉

確評誰其彙

評量

唐宋名賢歷代確論不著彙人姓氏

重儔藍本癡脩顧

劉向古列女傳

每傳有國傳

半壁黃圖辟剡杭

祝穆方輿勝覽時宋偏安餘

為顧惟之製

抗書中不及

中原郡縣

上下歲三千可計

歷代文書雖未備然已具編年紀事

兩體可得經世之

全且阿思哈

寓危說九百相望

諸子雖立意不同總不越

漆園寓言

危言之旨

志皆論也遷仍况

荀子史記禮志即取荀子禮論為之

螺或周與紂寫莊

南華經

有莊子像明永樂間舍人王紱奉勅作贊

爭逞

儀秦用羸趙

戰國策臣張若澁

御特樵耕織更農桑

江綢農桑書

向曾題刻樓琦耕織圖於多稼軒茲書乃集陳事農

書秦觀蠶書及樓琦耕織圖詩成之

洪懷逸少筆隨記

洪邁容齋三筆

程演仲舒

意寓良

程大昌演繁露

鐘鼎蟲魚亞爾雅

王保齋堂集古錄

形聲點畫匹凡將

李錫排韻字類

虞初嗣漸清羣喙

小說始白

虞初乃子家之流派

摯別沿徐擷衆芳

漢志但云某家若干篇集之名始摯虞流

別

紉佩秋蘭託湘沅

楚辭曹秀先

翻階春草接池塘

謝眺集

拾遺句配黃金匱

杜工部詩史

九注函縑敗錦囊

九家集注杜詩

是書從

淮蔡仆碑壓山斗

韓昌

黎文集臣梁國治

溪潭遊記闢蠻荒

柳柳州文集

博夸五百狐

留腋

五百家註昌黎集
輟者自夸城
拾之富實祇百四十八家而已

巧遇一雙

劍合鋌

五百家註柳子厚集乃武英殿舊貯因新得五百家注韓集取校之同為韓醇刊

本足綱
雙璧

思穎手排襍琴局

歐陽修六一居士集臣周煌和陶神

遇引壺觴

蘇軾和陶詩

箕弓裘冶兄師教

蘇轍樂城集為其曾孫

所刊輪輅水冰賓客場

六臣注文選

了識佚名錄枚傳

徐陵

玉臺新詠其云枚乘傳設之詩

按文選古詩十九首不著作者姓名僅見於玉臺新詠

臣王杰

御製

不收新律韻宮商

姚鉉唐文粹詩而不及律體自屬有見此書祇收古

遺蘇

文選疑難解

聖宋文選無三蘇此不可解

憶杜正宗慨以慷

真德秀文

章正宗其自序以自昔集錄文章者若杜預諸家湮沒不傳而行世之昭明文選唐文粹二書未得源流之

正云

賦擬青錢益小技

選青賦箋

考憑玉枕祇專長

系世昌蘭亭考以上宋版

金源印獨疇驂

新吳兢貞觀政要

乃金時版祇此一種為世之所罕見

宋影謄佳擬頡頏

藏書家競貴宋槧今內府所儲影抄各種精好實有遠過雕本者

聞擴九師通奧

突

趙汝楙周易輯聞臣彭元瑞

說宗七日契微茫

趙彥肅復齋易說

贊

象豕猜圖馬

王宗傳童溪易傳說主義理以言象數

其微夏商周爰

餽羊

鼎崇義三禮圖

會讀論須淳祐蔡

蔡節論語集說臣汪廷璣

艷

題名訝狀元張

張九成孟子傳

頡篇約譜物從朔

夏竦古文四聲

韻內則少儀謙弗遑

張時舉小學五書

年表自然堪綴范

熊方後漢書年表

長編焉肯遽儕光

李燾續資治通鑑長編按司

馬光作通鑑先排長編燾紀京事不敢自謂續通鑑但云續長編而已

河山故汴雁

橫塞

王存九域志

風月清波雀處堂

周輝清波雜志

魯語餘猶

傳孔聖

家語臣阿肅

御製臺儀精啟企

軒皇

新儀象法要祖學契

宋蘇頌編當時臺

郎所拜皇欽定數理精蘊

儀象考成諸書實足為天下後世法

全圖庚鼎足冠冕

呂大臨考古圖輯繪三代秦漢銅

王古罷首
載庚鼎

雜記金壺頗博詳

宋釋適之金壺記

屈子志寧在

草木

吳仁傑離騷草木疏

劉郎詞早叶笙簧

劉賓客外集

友朋輞水言都妙

王摩詰集

昆弟盤洲譽最揚

洪适盤洲集

寫筆鉤摹觀太乙

以上影宋

抄本
日達椿

琴偏鄭重牒文昌

元時書集並由中書省牒下諸路刊行

義

原靡盡聖經大

真德秀大學衍義

音所由生樂記彰

陳賜樂書

瑣載續貂補安取

李聲國史補傳記聲續之

劉鍊作國朝臣汪永錫

瓌

譚鑄象怪何妨

山海經

戈矛西蜀乃同室

李心傳道命錄

斧

鉞東萊空望洋

呂祖謙來
策博議

才雋左司宜柳替

韋蘇
州集

臣吳

謀深內相為裴傷

陸宣公集

大都叢簡搜瑜瑾

綬詔

以上元版入選者共八十餘

部今畧舉數種以例其餘

勝國雕梨太莠稂

內

府所藏明版指不勝屈今取其

最精者尚得二百五十餘部

王侍書饒廢且垢

明版黃伯思東觀餘論

是書內有法帖刊誤一

種辨正王著之失頗稱精核

欽定淳化閣帖釋

文考異多採之

臣曹文植

御製元才子直走而僵

白氏長慶集
其實微之不逮樂天遠甚也

當時元白齊名

輯

今索古非同事天祿文淵故別藏

舊藏宋金元明版書
籍彙為天祿琳瑯至

欽定四庫全書

卷二十五

新輯錄之四庫全書則特建

質製還因重訂正

近因重校天祿

又淵文源文津三閣分貯之
琳瑯舊藏凡偽充宋元槧
印者俱詳加別擇改正

兼權嚴與判低昂

有確係舊刻而時代向未詳者並為核正歸入

二坊私

版官三舍

祝穆云建寧崇化麻沙二坊號圖書之府今所藏有建本麻沙本蓋宋時坊書

其監本則官版也

諸邸外儲內兩廊

中有東宮書府晉府諸印又內殿顯熙殿

諸重乃東西廊書庫物

樞

于

頻

趙孟

璧

貞

王世

昌

董其

晉毛

振

季振宜

皆有題跋

印記

皆鑒藏諸書人

趙

衡

守

長

韓

臨

印

韓陳

臨安靴鼓橋

南陳宅書鋪

岳

相

臺

岳氏

廖

世

綠

余

建安

勤

有堂

汪新安汪綱以上七家皆宋時刻書姓氏流傳
惟余氏勤有堂則自宋至元明世守其業

手眼衡殊允諸書中如漢書唐書糾繆繪畫鬚眉
久經鑒賞流傳確有可據

興欲狂漢書前有趙孟頫王世貞少益貴乎多益
像楚辭前有屈原朱子像

善有一書而自兩部以至十前思作矣後思減有
數部之多者臣紀昀

書而宋元明各有梓本以後盤螭壘疊登
仿前而並工者兼為收錄

璫笈海部用乾隆御覽榮蚪章鮮揭寶房間有舊
之寶及天祿琳瑯兩用文淵

間及內府
圖書等章

寵賁

天顏知有喜

內最善本如前漢書賈治通鑑綱目九家注杜詩皆命寫御容於卷端且

陸錫熊

褒題

奎翰訓無疆

曾經

御題

聚珍并并起摸範

武英殿聚珍

版製極精良簡備如書中明無錫華氏銅活字長慶集亦此法然致用較為不便

掃葉紉

紉對勘戕

諸舊本皆完善精確憑以較對戕可少免掃葉之誤

聯詠服膺源

出水

委一員以四部為六義乃詩之淵源也御製三閭記並以水言文涵漚萬有源

陸費

澤

御製藏編拭目派歸滄所收各種並即舊時

寢息仰霄漢

天祿琳瑯之書貯於昭仁殿乃昔日皇祖寢官也

此日書聲達

尚方

上書房即對此殿皇子讀書聲每達於此向曾有詩

銘著昭仁深體驗行斯

未逮敢無釐

命加賑昨歲上下江被災州縣詩以誌愧

黃河漲昨秋災重淮陰地堵築幸成功安居庶卒歲蠲

賑百計救

上年八月間黃水驟長漫決外河老壩口山陽清河鹽城阜寧四縣被災頗重隨降旨賑

恤並將今年正供全行蠲免其消糧漕項及節年舊欠概予緩征俾災黎不致失所期遍災黎被

絮矩上下江偏災間聲有逮加賑等不同

山陽等四縣正賑畢後恐

貧民待澤尚殷因諭將成災十分之極次貧加賑兩月八九分者加賑一月其下游之東臺泰州興化等屬偏被旱災者或酌借籽種口糧以資耕作又安徽之合肥定遠全椒三縣被旱較廣鳳陽壽州宿州泗州盱眙五州縣災雖不重然係前歲歉區並予加賑一月俾得接濟詳付地方吏靳恩我弗為諱汝莫遂惟是艱致和則我一人愧

題郭知達集九家注杜詩

平生結習寂於詩老杜真堪作我師書出曾鉅寶郭集

本仍寶慶及淳熙九家正注宜存耳

是集編為宋郭知達九家注乃王

公宋景文豫章先生王源叔薛夢符杜時可鮑文虎師
民瞻趙彥村見於知遠序其言王文公即王安石宋

景文即宋祁王源叔名洙杜時可名田師民瞻名尹趙
彥村名次公薛夢符鮑文虎即其名豫章先生蓋黃庭

堅也版刻于廣東詳見曾璽序卷後署云寶慶乙酉廣
東漕司鈔版馬端臨文獻通考載此版亦稱為善本餘

氏支辭概去之適以遺編搜四庫乃斯古刻見漕司書

舊藏武英殿僅為庫貯陳編無有知其為宋槧者茲以
校勘四庫全書向武英殿移取書籍始鑒及之而前此

竟未列入天祿琳瑯豈書
策之遇合遲早亦有數耶希珍際遇殊驚晚尤物闡章

固有時重以琳瑯續天祿
天祿琳瑯惜早已成書
比本當為續入上等幾間

萬遍讀何辭

題盛洪水仙

品已出塵體淨芳白沙碧草伴清揚繼儒未足為知畫

却向圖間恨不香

末二句反陳繼儒題語

題姚文翰竹林七賢倣顏延之五君詠而反其意

仍各成一章

少年頗放浪晚歲實勤宣
啓事多甄拔雅契白駒篇
其六各有疵吾謂祇一賢

右山濤

海冲雖錚錚喜與時浮沈膏肓匪泉石持籌計黃金俗
物敗人意誠宜擯竹林

右王戎

陳留託酣飲任情飾巧辨求婚及致罪率以醉獲免據
案書勸進亦豈為盡善

右阮籍

既云契烟霞未免混塵世論著七不堪敢責湯武備顧
影歎廣陵却非明哲義

右祢康

鹿車攜一壺形骸遺弗感逸志細宇宙甄心託澹默入
林率同調獨能頌酒德

右劉伶

耽酒事浮虛山公薦未審散髮入深林相聚為四飲直
接共羣豕放浪則太甚

右阮咸

河內具清悟點筆注莊周書成示叔夜云殊復勝不殷

勤懷故交愴賦山陽遊

右向秀

乙未春帖子

青鳥鳴司啓條風應立春高低卜皆熟

探春歷記癸丑日立春高低皆

熟水主
平岸

冀可慰農人

要當實政布詎祇德音修司事咨京兆吉辰正在牛昴

癸丑

絲勝華旂繪春意貞潛元復見天心千秋龜鑑在經史

四氣循環自古今

題影宋欽家語

天祿青蔡信也非

太乙青蔡之事出劉向別傳事屬神怪子所不語

何於家語

却相違

孔安國撰次孔子家語單值巫蠱事起遂闕廢不行劉向以為時所未施之故不使名家安國

孫衍為博士上書辨之

祖傳

孔安國

孫辨

孔衍

名因正明影宋刊世已

稀多漏鮮全斯乃萃鉤元提要志焉希愀然敬對君為

政一語興邦凜勅幾

詠玉熨斗六韻

斗熨猶看玉爐盛早失金

是斗以玉為匡而無底蓋必中置金爐盛火為熨而金爐

則早失去云

無當艱置醴有柄足申襟蘭閣粉香伴柏城血

色侵可貪仍出土將執孰停鍼亞父難為撞謫仙未許

斟李渾遺

去聲

文帝藉用表堅心

題沈周山水六幘即用其韻

高樓盤覆老松斜却俯青青竹未花

竹生花則其葉黃

遙見過

橋客將至呼僮石鼎好烹茶

霜楓幾點紅猶綴秋樹數株綠已疎水榭支窓不嫌冷

碧天騁望與懷舒

江翻石壁夕陽殷耐可言歸拏艇還舉首遙看峯頂寺
山僧閉戶更高閒

遠山雲表一稜遙寒散秋空嵐吐朝水閣幽人間對瀑
目窮落落意寥寥

艤舟岸上有人立問答情深一幅魚却被伊誰割半壁

石田遺韻祇虛拈

沈周此畫凡六幀五幀皆有題句惟此幀無詩而畫幅較他幅稍窄似係

後人割去因
以已意補題

塞驢詩興可中收得句何曾愛俗流
陸非句俗人猶愛未為詩最是

江南風氣好雪天猶自有擎舟

立春後一日

雍和宮瞻禮作

歲首仍多暇春初憶舊時言瞻野鹿苑原是

躍龍池忍草迎韶發禪林履露滋未能泯

色相祇益緬

恩慈

悅心殿

幾餘初歲試遊尋咫尺塔山憩悅心恰對春屏吟翼日

又看瓊島佈輕陰屢霑仍冀斯為雪

京師於冬至月臘月屢曾得雪不過

三四寸而止冀得遲霑並佳故每遇微陰即盼其釀雪耳

望獲無遑始自今更盼捷

音越以甚安能即境豫清襟

靜憩軒

因靜斯來憩以憩翻得靜誰主更誰賓若形復若影曰
二固不可曰一亦成梗憩者人之為靜者軒之永無為

契永依半座分軒領

揖山亭

四柱無窓牖雲嵐對面扶依稀相揖讓錯磨可招呼畫
景入描寫詩情自委輸還因笑米老何必一峯孤

題閱古樓

閱古雖因藏帖版顧名思義每塵諸萬年君鑑垂明鑑
一部尚書滕法書鐵畫銀鈎亦何異朝乾夕惕敢留餘
如云意在希珍賞不是知予是罪予

鄰山書屋

鄰與里義通宣尼云擇里書屋曰鄰山寓名實以此又云仁樂山擇處斯為美然予無暇處偶至即行爾敢謂附於知亦勉克乎已

延佳精舍

精舍山之陰軒窓乃向陽溫暾晃窓櫺照嫗欣春光庭柳金未舒盆梅玉已香消息養始和意弗在芬芳媚額曰延佳延佳日正長

得性樓有會

生物皆有性所為由性得茲樓曰得性本末似倒植雖然有進焉失性多致慝既失欲得之復禮在已克言易行實難自強勉不息

遠帆閣口號

凍浦何由見遠帆兩言木額鎮鐫鐙却因氏父飛遙興

快覽江天景不凡

此閣肖金山
遠帆樓為之

坐冰牀至鏡清齋因題四絕句

水閣如臨水，商懸坐冰牀。
處似登船中，流那藉帆和漿。
霹靂聲中到岸邊。

迴首雲楣額遠帆。

塔山遠帆閣肖金山遠帆樓為之因循其名

江天遐趣寄

心絨却如呼出髯翁語。
羸是冰光大不凡。

蕭疎岸柳遠煙浮。
心不波瀾坐似舟。
可傲山陰王逸少。
別開生面鏡中遊。

片時隨亦到溪齋。
門裏冰池近甃階。
題壁已成隔年句。
於斯乃易說忘懷。

題鏡清齋

晶光映栢檐恰似鏡開奩無影為浮動有形總靜恬
心斯照鑑任物自窺覘欲問孔平仲清輝可讓瞻

孔平仲

月詩團圓冰
鏡吐清輝

抱素書屋

迴廊遵詰屈樸屋得清嘉觸目曰惟素遊情不在華
將舒眼纈梅已發心花試看春生處譬於繪豈差

韻琴齋口號

石溪屈注小齋臨幽咽泉流作凍音白傳未為知律呂
琵琶了識不知琴

題影宋鈔新儀象法要

梁代渾儀已制之失傳蘇頌乃重為有經有緯述前驗
具說具圖期後垂亦曰用心究鈎股即看影繫悉毫釐
大成

圓象精鑑彙

皇祖鴻貽萬世規

璣衡雖昉自堯時其制法今昔異同則不可深考後
世儀象若洛下閎若張衡若李淳風若一行皆有所
作而賈逵蔡邕王蕃陸績何承天輩議各不一自元
時郭守敬造為渾儀後人因之明代相沿不改若西
洋法明中葉即入中國頗有宗其說者而徐光啓李
之藻推之尤至率格於衆議不果行我

皇祖洞見西法之精審學焉而會通之益知其可垂永
久迺

勅靈臺專行弗失既而

欽定數理精蘊儀象考成諸書實足為天下後世法予
雖未習其事然幼聞

皇祖閣論因得篤信而敬守之即如明以前之法每日
以百刻計而西法則以九十六刻計夫一時八刻其
理明簡易曉不待智者而知之聞本朝初曾有訟西
洋人私竊四刻者時刻乃一定之數竊將安往不亦
大可笑乎又如日出入之早晚節氣之長短薄蝕之

分數今每驗之輒不爽銖黍非其法至精至密曷克臻此或云克時璣衡之法西洋得之其說當存而弗論第自

皇祖表章以來迄今百餘年行之無弊雖百世不易可也此蘇頌所撰新儀象法要以其影抄宋刊且為錢曾述古堂所藏之物因視為舊籍而題弄之又豈見異思遷乎詳識詩後用示來許

詠周素盦

祖辛貽質製

西清古鑑中以商祖辛盃為最古

伯矩作嘉賓

周伯矩盃亦西清古

物鑑

流盞都完好方圓總樸淳

器圓而四足方

當年調五味式古

緬先民麟趾闕睢意於斯可問津

題董誥萬有同春冊

仙木駢羅萬戶新屠蘇飲到老年人兒童爆竹猶喧鬧

直作雷聲火迫春

右萬戶春聲

壯峯北壑互氤氲一氣混成春宇雲舉趾固知時尚早

雪乎雨矣總堪欣

右萬壑春雲

元正纔過又元宵萬井煙花達曙燒
一歲之勤一朝樂還淳可概設科條

右萬井春熙

一氣回春萬物妍淙淙也覺發靈泉
垂流趵突雖殊致同助東皇潤八埏

右萬派春泉

初染鵝黃旋變青
生機物物自形形
魚即愛看含煙意
却傍橫塘棹為停

右萬綠春塘

遙見銀光一線堆
奔騰快馬遂喧飀
發源豈止十千里
疑是青祇住處來

右萬里春潮

不較低條與迴枝
一般綠意吐叅差
騁眸最有相宜處
猶是千林未鎖時

右萬木春榮

高下猗猗翠欲流
誰云春是竹之秋
陡思山逕韜光畔
劇筍叢中作勝遊

右萬叢春玉

米家畫法王家句
會以丹青運以神
南每愁多北愁少
得中艱可遇之春

右萬家春雨

昨夜甘霖潤一犁
曉看叱犢遍塍畦
侍臣生面繪春帖

頌以為規家學提

右萬畝春耕

玉靶刀

精球出玉隴

和闐別城
名出玉處

鼉采葆光瑩良工相材琢寶刀

裝作柄截肪還以用截肪曰名曰實曷有常即物思義
至理弗奇太阿不可倒持予言亦戒莫違

新正吉日恭奉

皇太后幸御園即事成什

欣陪

鳳輦出皇州慶節行時例率由穀日晴和占穀美

是日初八

為穀日春朝良吉奉

春遊已看柳杪將梯放更喜松根有雪留獨盼紅旗尚
遲到難忘丙夜問軍郵

宜春殿

勝境擬方壺

方壺勝境為圓明園四十景之一殿居其中

網軒寶額扶顧名

試思義育物每座吾即此春宜者寧無隅向乎幾間吟

五字怡與愧猶俱

澹閒室

虛室冰窓映澄照忘機那計物姦妍因思彼未得閒者
都為去聲其心弗澹然

題養素書屋

一氣春和萬物該有收有闕有恢奭漫嫌爛漫遲桃李
已自侵尋到柳梅筆研精良偶合耳仄平點竄亦宜哉
可知九十韶光麗皆自素中能養來

靜通齋口號

天地貞元運大公澄觀理亦易為窮紛茲動植含春意
孰不權輿靜以通

題宋版六經圖八韻

太古圖先書後出考書或不考圖非陳森刊苗昌序誠

探要

六經圖為宋紹興中布衣楊甲所撰乾道初知撫
州陳森屬教授毛邦翰等編類補刻之為圖三百

有物列文彰允造微典備六千年燭照自伏羲至今六
千餘年舉成數

冊貽五百載芸乾道至今
亦舉成數排玩時愒日凜儆戒惕夕乾

朝守範圍傳授都因著姓氏次銓還以正依韋六經敢
曰能窺道一己惟應勵勅幾敬奉

裡宗陳俎豆恪遵

家法服冠衣

增繪祭器鹵簿冠服樂器儀器武備六門
繪圖系說為皇朝禮器圖式並親製序文

以未冠乃一代昭度朕則依我朝之舊而不敢改後世
子孫當以朕志為志不惑於流言以綿國祚於萬年深
切垂戒三
致意焉帝王學與儒生異罪我由他知我稀

和闐採玉

和闐採玉春秋貢取之玉河知以共在彼為常不覺勞

在我有賞仍利衆昔年未入中國時實供衛拉穹廬送

琢為玉盤盛酪漿豈知亦向天閭珣

平定伊犁以後阿睦爾撒納叛走王

師追擒得其所棄玉盤一徑二尺闊六尺有奇中可受水一石蓋準部盛時琢以盛酪漿者戊寅春進至曾紀

以詩及耕必既開壬午春聖地者復獲其一以進形制尺寸並同仍疊前韻紀之

瓊英璨璨人

皆識幾曾剖璞待卞慟盡信書不如無書至理子輿言
允中

新春萬壽山

御苑今年幸上旬節前有暇事遊巡名山咫尺宜清眺

韶景依遲報始聞
簷簾綴華燈
那賞夜盆翻
溫卉恰知春
昨秋句又成
隔歲陶侃誠為解事人

知春亭口號

春來何物不知春
却讓虛亭名善循也為爾時題額好
因思立說總由人

題道存齋

堯舜及湯文各離五百歲

舉成數也

見知與聞知若斷復若

繼無乎或有乎
子與致深意
漢唐無足稱
濂洛開其遠

續之開與闕斯傳賴弗墜然而余更思道固在天地仁者見謂仁知者見謂知夫豈係乎時傳不傳殊致因識道恒存匪為說逞異

養雲軒有會

名山率出雲以其有蓄養雖曰體乃實而孕氣恒益築軒當岬埽既虛仍復敞雲生不期生雲徃弗禁徃是謂得大公作雪恩益廣

寄瀾亭

凝冰如鏡一湖寬縱有微風弗作瀾今日分明會所寄
應於根底不於端

無盡意軒口號

窻明几淨簾簾開初歲書軒又揭來問我意中無盡者
思艱圖易不遑哉

愛山樓

起樓戒背山此乃山恒對一年始一臨那可默而退人
不能無情有情斯有愛與其愛聲色何如愛山態況茲

春始孟林密未含黛養素實在茲主靜還因會

石舫

石舫依然湖岸傍煙篷開著朏冰光所羸青雀黃龍者
不藉區區塢裏藏

開韶嫩景蜃窓含一帶西山罨遠嵐忽見孟梅隸几側

恰如安福

壚名

泛江南

曠觀齋作歌

曠觀千古誰能盡詮曠觀四海浩渺以寬要不出夫人

情天理吾所懼者內為私蔽外因物牽茫乎心而蒿乎目無易由言曰曠觀

水周堂

佳問山西致最幽水周今日是冰周玉壺中趣誰知得祇在龍標句裏求

澄輝閣口號

天水澄輝亦有時冰魚未負那言斯憑欄高閣如相謂此景何妨稍待之

賅春園

春滿四天下小園何日賅當知一貫萬乃可信無猜動
植消而息鴻濛胚以胎戶庭原不出與物共登臺

清可軒

有來必有詠亦殊無複言恰如飲與食日豈辭頻頻又
如四時運秋肅而春溫今春仍昔春今番殊昔番但適
暇清可漫渴景穠繁

題味閒齋

閒雖好却戒耽閒兩字齋名祇擬刪勵我朝乾仍夕惕
勤民圖易與思艱

題宋版五百家注韓昌黎集

子厚退之昔並傳論文可擬以詩詮韓如杜也柳如李

此則聖而彼則仙注五百家孰窺奧

名為五百家注其實姓名可考者僅

一百四十八家餘二百三十家逸其姓氏合計亦不能
足數而所採用之注更不能遍及又柳宗元集亦有五
百家注所載姓名
更少于此耳垂千萬代獨鉤元學焉有志知難到難

到猶然勵勉旃

五百家注昌黎集實宋槧之佳者柳子厚集雖亦五
百家注版式行款標題並同而紙色墨香遜韓集遠
甚且正集廿一卷以下至末皆闕又改目錄終以彌
縫之更非完善第柳集注刊本今鮮存者亦覺片羽
可珍惟當居韓之次耳附識題韓集詩之末并書柳
集卷端

御製詩四集卷二十五